



Ne 468.

Biblioteka Jagiellońska



stdr0003015

31.
SACERDOTII
HONOR & DIGNITAS
Oratione breui expressa

E T

Venerabili ac Admodum Rūdo Domino

ALBERTO LORENCO-
W S K I,

ART: LIB. & PHILOSOPH: BACCALAV.

D V M

Primum in Ecclesia Paroch:

C A N T E N S I

Deo Opt. Max. offeret Missæ

SACRIFICIVM.

A

M. ALBERTO WAIKOWIC debita gratulationū ergo
& sacri Xenii loco

viii Idus Ianuarij. Anno M. DC. XLVII.

d. c. q̃s.

CRAC. Apud Valerianum Piatkowski.

Qualis debeat esse Sacerdos.

IN templo Apollinis ferunt fuisse statuam quandam, supra cuius caput heliotropium erat positum, dextra manu lilium, sinistra verò rosam tenentem, sub pedibus verò absinthij manipulū habentem. Quoties ego sacerdotij statum meos mihi pono ob oculos, toties per hanc imaginem vitam moresq; sacerdotum representari, in dō qualis debeat esse sacerdos, exprimi & monstrari existimo. Sacerdos enim homo est, sed ut à secularibus distinguatur, debet supra caput habere heliotropium, scilicet quemadmodum herba hæc solem sequitur, ita Sacerdos mentem suā eò declinare debet, quò Sol iustitiæ purissimus direxerit, non quo mundus traxerit immundus. Manu dextra gestet sacerdos lilium, signum scilicet puræ conscientiae & castitatis; mundus enim & ab omni secretus macula, debet offerre Deo sacrificium. Sinistram teneat rosam: sicut enim flos rosæ dum suavem spirat odorem, omnibus gratus est, at ubi aruerit confestim abijcitur: pari ratione bonus sacerdos Deo & hominibus est gratissimus, malus verò & Deo inuisus & populo fidei odiosus. Absinthij demum manipulum voluptates scilicet & illecebras mundi sub pedibus habeat sacerdos est necesse; Namque amara debent esse ipsi mundana omnia, caelestia verò dulcissima. Proinde illa calcare & despiciere, hæc meditari semper & appetere debet. Cuius quidem statuæ ad Sacerdotum mores applicationum congruasit? eorum qui hac ornati sunt dignitate maturo interim comitto iudicio.





DVM ad felix Noui Anni exordium, hac
solenni & annua festiuitatis SS. Trium
Magorum die, qui Christo infanti tria
ad cunas Betlehemicas obtulerunt
munera, Te quoq; Venerab. & Adm: Rñde D. AL-
BERTE LORENCOWSKI, in Sacratissimis primi Di-
uini Sacrificij primitijs, corpus & sanguinem pre-
tiosissimum Seruatoris nostri IESV, cumque his
tria ista Magorum munera; aurum, quia puram mē-
tem: thus, quia Te ipsum suaueolentes virtutum
in hoc sacrorum Ordinum gradu amplissimo con-
stitutum spargentem odores: myrrham, quia Pas-
sionis Christi memoriam recolentē, hodierna die
offerre summo rerum omnium auctori & Condi-
tori cōspicio. dū hanc lectissimam hospitum gra-
tissimorum coronam, Tibi Tuisque spectatissimis
parentibus Sacerdotij dignitatem, atque primi
Sacrosanctę Missę sacrificij celebrationem cōgratu-
lantem faustis lætisq; vocibus contueor: ego quo-
que vltimus accurro, vt coram voce vultu & ocu-

is eundem Tibi Tuisq; omnibus gratuler hono-
rem, simulq; me in Te propensionis tester officiū.
Suasit id debitum amicitie munus, poposcit Aca-
demici in Academicum quia Baccalaureum amor,
exegit Tuorum in me parentum humanitas & be-
neuolētia singularis. Quibus omnibus non respō-
dere, summæ barbariei ac inhumanitatis notā mi-
hi meritò inurendam esse arbitrabar. Quare Tuam
Tibi dignitatem gratulaturus, Sacerdotij honorē
dignitatemq; Oratione breui expressam, sacri xenij
loco ad felix exorientis anni, quadragesimi septi-
mi supra Millesimū Sexcentesium auspiciū, tuo
obtrui præsento & offero. Tu quaecunq; sit il-
lud (vti subcisuis conscriptum horis) quin læto &
benigno vultu, quia à Tui amicissimo profectum
animo, legas & accipias, non despero.

Ac dignitatem sacerdotij mihi ieiuna & sterili
Oratori commendaturo, ne illud à quopiam obi-
ciatur. Quid fabro vltra malleum, homini de Scho-
la vltra ferulas, subuereor & pertimesco. Fateor
equidē onus hoc meis impar videri & esse hume-
ris, quia non sacerdotis, nec aliquam sacerdotij ha-
bentis peritiam, cuius tam sublimem gradum esse
non

nōn ignoro, vt ipsius excellentiam vix js, qui in sa-
cerdotem electus & consecratus, suo per longam
annorum seriem fungitur munere, explicare ac di-
gnè laudare possit: immò veriùs dicā, tantam esse
sacerdotum ac eorum sacerdotij dignitatem & e-
minentiam, vt eam non dico verbis exornare, sed
vel mente velle concipere maius sit humana elo-
quentia munus. Dices fortasse, ergo nē Tu auda-
cissimus vel sapientissimus ex omnibus, qui tā gra-
uem & arduam aggredieris prouinciam? Minime
minimè equidem, imò verò omnibus, quotquot
adsunt ingenij gloria & scientiarum excellentia in-
signes viri, tantò doctrina inferior & ingenio mi-
nor, quantò in Te Rēde ALBERTE LORENCO-
WSKI prōptior & officiosior. Vicit enī omniū de
mei tenuitate ingenij censuram, meus in Te can-
dor & affectus, vicit meæ hac in re quā suscepi im-
peritię conscientiam, mei in Te animi propensio,
meq; in spem bonam erexit, rem propositam au-
dacter aggredi consuluit, officio demum amici
deesse iniquum, nec leui dignū reprehensione cē-
suit. Et quò minus ingenio possum, diligentiam
quæ meæ in rebus omnibus tenuitati suffragari to-

let plurimum, in auxilium aduocare persuasit, de
qua tantum mihi decessit, quantum de tempore
diminutum erat. Etenim ad hanc tam grauem &
difficilem materiam, non dico flosculis Rhetorum
exornandam, aut verborum varijs & exquisitis ca-
lamistris distinguendam, sed vel simpliciter rudiq;
(& aiunt) Minerua enarrandam, temporis Tha-
letis testimonio prudentissimi, aut vix satis habui,
aut in alias necessarias cogitationes dissipatum,
non quoad illius vellem, sed quoad possem con-
ferre debui. Amoris etenim & propensionis meæ
studio & officio satisfacere (vt debeo) volui, hocq;
Sacerdotij dignitate & honore, Tui sacrificij pri-
mitias condecorare curavi. Quanquam hoc quid-
quid erit, pro tenuitate ingenij mei & temporis vt
dixi ratione, innuam potius quam effingam, mo-
re pictorum, qui in breui tabella, ingentia etiam
ædificia adumbrare magis quàm depingere
consueuerunt. Et quoniam res quælibet, si eius
fontes ac initia prius perspecta sint facilius cogno-
scitur, vnde pullulet omnis dignitas atq; honor vi-
deamus. Nonne verò cuncti qui Deos ficticios
mera figmenta reputamus, illud verissimum esse
statu-

statuimus, supremum bonorum omnium dispensatorē & largitorem Deum Opt. Max. pro sua summa prouidentia pariq; potestate, cū vniversā, tum quoq; eminentias & honores mortalibus impartire: eosq; sæpenumerò oleum & operam perdere censemus, quos aliter dignitates quasuis conquirere cognoscimus. Sacra namq; docent oracula, omnem desursum esse potestatem, non quidquam cæcæ sorti, non Principum aut magnatum voluntati atq; arbitrio, non vllis mortalium suffragijs, sed summi rerum omnium Authoris & Protectoris summæ prouidentię, sapientię & beneficii totum est tribuendum & adscribendum. Quod verò cælitus nobis conceditur, quis non summū illud, magnum, pulcherrimum & excelsum agnoscat? qd vel maximè in sacerdotio videmus. Quid enim aliud est sacerdotij dignitas, quàm ad cultum Dei veri promouendum, sacrificia ritè & debitè peragenda Viris vitę integritate morumq; probitate cōspicuis auctoritate Diuina concessa potestas? Quid aliud est sacerdotij honor, quàm amplitudo & quædam quasi maiestas propter sapientiam, sanctitatem legisq; Diuinę peritiam. viris pijs & deuotis de-

ris desuper data & tradita. Quid aliud est sacerdotij dignitas, quàm ea virtutis honorumq; operum merces, quæ nec augeri laudibus, nec ullis minui detractionibus vnquam potis est? Quid aliud est dignitas Presbyterorū, quàm pulchritudo quædā & ornamentum à Deo conceditum? Quæris in sacerdote authoritate Diuina concessam potestatem! audi Verba Saluatoris nostri ad Apostolos, simulq; ad eorum successores qui sacerdotij obeunt munia sacratissima, per Diuū Matthæum Cancellarium Christi dignissimum nobis tradita. Euntes, inquit redemptor noster, docete omnes gentes, baptisantes eos in nomine Patris, & Filij, & Spiritus sancti: docentes eos seruare omnia, quæcunque mandauì vobis, & ecce ego vobiscum sum omnibus diebus, vsq; ad consumationem sæculi. Quæris amplitudinem & maiestatem, hanc cognosces si illa verba dilectissimi Christi discipuli & Euangelistæ consideraueris. Quorum remiseritis peccata remittentur eis, & quorū retinueritis retenta sunt. Pulchritudinem & ornamentum requiris? hanc profecto Diuinus ille Psalter his enarrat verbis. Minuisti eum paulò minus ab Angelis, gloria & honore

re co-

re coronasti eum, & constituisti eum super opera
manuum Tuarum. In hoc profectò Regis & Pro-
phetæ testimonio luculentissimo, quot verba tot
numeranda mysteria, quot vocabula, tot Sacer-
dotum insignes tituli & decora noranda: quæ qui-
dem diligentiori mentis perpendens radio ambro-
sia cælesti plenus Doctor Diuus Ambrosius, regiæ
sacerdotalem anteponendam docuit esse di-
gnitatem; illi enim populis duntaxat, hi popu-
lis regibusq; simul præfunt gloriosè. Quod Christi-
anorum Principum factis comprobare possumus
luculentissime. Constantinus etenim ille per o-
mnium theatra imperiorum prædicandus, & tan-
quã speculũ ònibus alijs ad imitadũ proponẽdũ Im-
perator, quamdiu vixit, Diuino cultui dedicatos
Sacerdotes, vt pote vicem Dei gerentes, maximã
reuerentiã, honore & muneribus, superiores & di-
gniores eos seipso agnoscens, ornauerat & cumu-
lauerat semper. Quod cùm alio quouis loco & tẽ-
pore satis abundè testatus est, tũ vel maximè in
illo Oecumenico Nicæno Concilio, in quo cùm
viri in Ecclesiastica dignitate cõstituti inter se cõue-
nire non possent, remq; in qua dissentiebant, ci-

~~Idem~~ decidendam committerent: eos ille his affa-
tus esse perhibetur. Deus vos constituit Sacerdo-
tes, & potestatem vobis dedit de nobis etiam iu-
dicandi, quare nos à vobis rectè iudicamur, vos
autem non potestis ab hominibus iudicari, & id-
circo Diuinum expectare debetis iudicium, non
enim est conueniens, vt homo cùm sim, de vobis
qui terrestres Dii meritò censemini, (quia in cō-
secratione Eucharistiæ Christi personam induimi-
ni, & loquimini ac si ipse esset Christus) aliquod fa-
ciam iudicium. Idem recognouit Valentinianus
Imperator, qui ià supremis Ecclesiæ moderatoribus
Diœcesi Mediolanensi Præsulem dari postu-
lans, tali ad eos vsus est sermone.

*Nostis per-
belle Patres. Diuinis instructi eloquiis, & sa-
crorum venerandi Principes, qualem oporteat esse
Ecclesiæ Pastorem: proinde talem obsecro Eccle-
siæ isti tradite, cui & nos qui gubernamus Imperiū
secure capita nostra submittamus, & ipsius adhor-
tationes Diuinas in omnibus nostris operibus æquo
suscipiamus animo. Silentio prætereo complures
alios Procerum & Principum insignium, qui
Sacerdotum curæ sui subditorumq; suorum cor-
pora*

pora à seipsis, animas verò ab Imperiorũ omnium
rectore & administratore præsentissimo commis-
sas fuisse fatebantur. Nouerant quippè viri illi Im-
peratoria dignitate ornatissimi, illos non homines;
sed humanos esse angelos, immò verò Deos, quia
Diuina pandentes oracula & miracula. Quidni ve-
rò Deos arbitrentur! cùm ex Diuo discant Chryso-
stomo, presbyteros potestate sacrosanctæ Eucha-
ristiæ consecrandæ, mentes etiam illas beatissimas
superare, sacrarũ deniq; paginarũ testimonio varijs
ijsq; præstâtissimis eos cõdecoratos videãt titulis.
Hos vocat *Exodus Deos, Malachias Angelos, Hie-
remias Reges, Diuus Matthæus lucem, Gregorius
stellas mundi, Basilius faces ardentes*, alij demum
Ducum, Principum, amicorumq; Dei no-
men sacerdotibus tribuunt frequentius. Quæ
verò maior dignitas, quod nomen honorificenti-
us, quæ sublimior excellentia, dignitate Diuina, An-
gelica, Regali; reperiri potest? nulla; nulla omni-
no. Hanc sacerdotum dignitatem diligentius olim
intra se perpendens vates ille Diuinus, eam cū sum-
mam cognouisset, diuino afflatus spiritu exclama-
uit. *Nimis, inquit, honorati sunt amici Tui Deus.*

Hanc verum illud Christi exemplar S. Franciscus
identidē considerans dicebat, *Maiorem debere ho-*
norem sacerdoti, quam sancto aut Angelo è calo
venienti. Hanc viri illibcatissimi Marcus & Amo-
nius recusantes, ille pollicem ne fieret sacerdos, hic
verò aures ne in Episcopum eligeretur, abscidisse
sibi feruntur. Cur ita? Sciebant Sacerdotes Reges
esse: *in regno vero nullam* (iuxta Alexandri Scueri sē-
tentiam) *quietem, sed assiduum non ignorabant esse*
periculum; Menti suæ infixam auream illam Diui
Hieronymi habebant sententiam. *Grandis digni-*
tas Sacerdotum, inquit ille, sed grandis ruina si pec-
cant: Letamur ad ascensum sed timeamus ad la-
psum. Non est tanti gaudij excelsa tenuisse, quanti
maeroris de sublimioribus corruisse; nec enim solum
pro nostris delictis reddemus rationem, sed pro omni-
um quorum abutimur donis, Et nequaquam sumus
de eorum salute solliciti. Hoc profectò fulmine
ipso terribiliori sermone, viri illi sanctissimi perter-
refacti, à sacerdotio abstinere satius duxerunt. Nō
immemores verborum Apostoli, quibus cautè ad-
modum & prudenter sacerdotij munus suscipien-
dum & aggrediendum esse monemur. *Videte in-*
quit Apostolus, ne in vacuum gratiā Dei accipiatis.

Sc d

Sed quam obsecro in sacerdotio constituti accipi-
unt gratiam? Sublimem certè & cælo ipsi proxi-
mam. Datur namq; cuilibet presbytero Spiritu-
alis potestas consecrandi & offerendi corpus Chri-
sti, datur potestas Iurisdictionis. Quod si quispiam
accepta potestate non utatur, si perrarò fungatur
sacerdotio, profecto hanc sacri Ordinis gratiam,
cumq; gratia dignitatem in vanum se accepisse fa-
teatur est necesse. Ac proinde timeant si tales, qui
sunt, ne cum terrore vocem de cælo audiant olim
eiusmodi. *Vigilate* (verba sunt Viri cuiusdam gra-
uissimi) *ô arietes pro gregibus, & quod debetis in-
censum Orationis Deo offerte glorioso.* Sed hæc for-
tasse nihil ad nostrum propositum, etsi ad nostrū,
nihil ad hoc tempus, proinde nostri prosequamur
sacerdotij dignitatem. Quam quis quæso non di-
cet sublimem? cū à Sanctis Doctoribus doceat-
ur, *Sacerdotem posse quod non potest angelus.* Quis
non dicet præstantem? cū audiat ex iisdem. *To-
tum mundum esse bonum, si omnes presbyteri essent
boni.* Quis non dicet cælestem? cū bonum pre-
sbyterum positum in terra eo fine sciat, ut sit sicut Sol
in cælo. Quis non dicet Divinam? cū à Deo cō-

*feratur. Quis non dicet excelsam? cum quisquis
sacerdotio ornatus sit, simul etiam regio condecor
etur nomine. Vos estis regale Sacerdotium. (sa
cra loquuntur oracula) quia vos regibus non re
ges vobis præstant, & supra vos nihil erit in terra;
sed ipsi vos eritis præsides orbis, duces hominum,
custodes legum & patres omnium. Satis profecto
insignes tituli, satis decora sacerdotis nomina, sa
tis summus sacrorum ordinum gradus: at magnâ
indiget vigilantia, magno labore, magnâ conti
nentiâ, immò virtutum omnium ac perfectionis
singularis, quandam requirere videtur encyclopæ
diam. Quid enim aliud est presbyter quàm bene
vivendi præbens iter, seu quod idem est, ad illud æterni
tatis augustale, beatum præbens iter mortalibus? sa
cerdotisq; nomine is dignus esse censeatur, apud quem
magis valet morum gravitas quàm mundi pompa
& ornatus leuitas; in cuius animo vitæ inno
centia, non voluptatum & illecebrarum mundi
manet spurcitia, cui magis placet doctrine excel
lentiâ, quàm omnis iniustitiæ fomes avaritia. Hinc
non temere mihi videtur supremus rerum omnium
conditor & effector, Sacerdotes legis veteris quod
dam lauacrum è speculis muliebribus, in quo se
lauissent iussisse habere, sed diuinâ illâ quâ cuncta*

mandat facitq; sapientiã. Hoc namq; facto docce-
revoluit, vt omnes ad sacerdotij dignitatem adspi-
rantes diligentius secum considerent, quantũ pos-
sint quantumq; valeant: ne vbi prodesse debeant
obsint, vbi docendum corrumpant: paucis mul-
ta, sacerdotẽ eiusmodi esse debere declarauit qui
mente purus, vitaq; sit irreprehensibilis. Sed quis
tam excelsam & sublimem dignitatem, conueni-
enti ac digno condecorare valeat elogio? Nullum
flumen ingenij, nulla eloquentiæ vis, nulla huma-
na vox, nulla mortalis lingua, hæc consequi vn-
quam poterit. Quare finem dicendi faciam, cum
ad Te V. & A. R. D. ALB. LORENCOWSKI mea
cursum deflecat Oratio.

*Maximam quia Diuinam, sublimem & excel-
sam quia Angelicam, summam quia Regiam, sacer-
dotij scilicet adeptus es dignitatem. Quam quis Ti-
bi totiq; domui Tuæ non ex animo gratuletur? quis
parentibus Tuis nobilissimis, cognatis & propinquis
spectatissimis gaudentibus non congaudeat? quis Te-
cum primum Eucharistiæ Sacrosanctum celebrante
mysterium non lætetur. maximasq; pro tanto do-
mui Tuæ concesso beneficio, non agat gratias? quis nõ
extul-*

exsultet? Exultat & merito quiddam dñus hæc
vestm. Nam ita liberaliter, Deo auspice, hanc quã
diuinitis consecutus es sparges ubique benedictionẽ,
vt in agris ubertas, in animis amenitas, in corpori-
bus demum parentum Tuorum salus & sanitas vi-
geat incorrupta. Gaudent felices Te Sacerdote pa-
rentes Tui nobilissimi. Verum non gaudere solum,
sed exultare etiam debetis parentes Neomystæ co-
lidißimi, eum namq; habetis filium, qui pro Vestra
incolumitate ad altaria tremenda Domini demisse
vota perpetuò fundet altissimo, illudq; à Diuo IO AN-
NE CANTIO suo & vestro populari, precabitur: vt
vos per dies quam plurimos & optimos, vigentes &
beatos sua apud Deum intercessione ac patrocinio
faciat perennare. Gaude deniq; Tuo isto excellenti
bono Neomysta Venemabilis, fruiere hac sacerdotij di-
gnitate, in eaq; eũ Te prabe, vt boni reperiant quod
in Te imitentur, nihil inueniant mali quod reprehẽ-
dere possint. Lauro etenim Academica exorna-
tus es, altricis igitur virtutum omnium Academia
Crac. nobilissimas ubiq; spargere debes Virtutes.
Cantius es, Diui igitur CANTII Te sequi conuenit
vestigia. Sacerdos es, sacra igitur omnia, bona scili-
cet à Te procedant semper est necesse. Sed nã ego
audax

*audax, qui Te admoneam cum gratulari proposue-
rim! Ergo Tuis me recommendans precibus Tibi
fausta omnia intimo apprecor affectu, IESVMQ; in-
fantulum (quem hodie Tuis attrectasti & gestasti
manibus) exoro, ut Te ad Ecclesiæ decus & orna-
mentum, parentum solatium, saluum & incolumem
quam diutissimè conseruet, suoq; in omnibus negotiis
auxilio suffulciat, consilio dirigat, quò rectius, & di-
gnius ea omnia quæ Te facere sacerdotij dignitas
& officium postulat, possis perficere.*

D I X I.

DEDICATIO.

Parua sacerdoti non paruo munere cincto
Hoc in solenni tempore dona fero.
Non quæ ficta solet Clio vel fictus Apollo
Vel quæ ficta solet Castalis vnda dare.
Sed quæ sincerus fabricat sub pectore candor
Quæ sunt Sythonia candidiora niue.
Candida candor habet, reddit quoq; candida candor
Nō quæ coruus habet, Cygnus at almus habet
At quis ego dicar qui reddo candida quæris?
Hic ego sum, dici qui solet a'ter

E G O.

Leſtiſſiæ
Hoſpitiu gratiſſimorum coronæ
Atq;
Nobiliſſimis Primitiantis filij parentibus
Strenæ loco
Author
d. cq;

D O S I P O N A

COeLorum gaudEte veNit terræq; Dynaſta
NOs VVlt coELeſtes nAmq; Tenere polOs.
SCyrpoſi ZabOli ſeDes iam diRuet hYmum
Vos VIeto Cantu ZOi data ſeRte deo.

Explanatio.

Quid valeant elegi noſti cognoſſe laboras,
Fac maiora legas grammata percipies.
Verba Polona ferunt queis plebs nunc vtitur ōnis,
Alternis certans vndiq; muneribus.



